

經律異相卷第二十八

羅八

多智王佯狂免禍十三

梁沙門僧旻寶唱等奉勅撰

行聲聞道諸國王部第二十之一

橫興費調爲姦臣所害鬼復爲王一

感佛聞法得須陀洹道二

波斯匿王後園生自然甘蔗粳米三

波斯匿王請佛解夢四

波斯匿王求贖女命五

波斯匿王遊獵遇得末利夫人六

好信王發願灌佛七

耆域藥王請佛僧八

瓶沙王有四種畏九

瓶沙王樂食而死生四天王天十

瓶沙王與弗迦沙王親厚各獻珍異十一

赤馬天子問佛無生死處十二

皆瓶沙王有一大臣犯事徙南山中去國千里由來無人不熟五穀大臣到中泉水通流

五穀大熟四方諸國有飢寒者來至此中數年之中便有三四千家來者給與田地令得生活其中三老諸長老宿年共議國之無君由身之無首相將至大臣所舉大臣爲王大臣答長老曰若以我爲王者當如諸國王之法左右大臣文武將士上下朝直發女開宮

租稅穀帛當如民法諸國老曰唯然奉命一隨王法即立爲王處置羣臣文武上下發調人民築城作舍宮殿樓觀民被苦毒不復能堪皆發想念欲謀圖於王諸姦臣輩將王出獵去城三四十里於曠野澤中索王欲殺王

問左右何緣殺我並曰民慕豐樂奉王以禮
民困思亂破家圖國王告之言卿等自爲非
我本造枉殺我者神祇知之聽我發一願死
不有恨即時願曰我本開荒出土養民來者
皆富樂無極自舉我爲王依案諸國自共作
罪一此今反殺我我實無惡於此人民若我死者
願作羅刹還入故身中當報此怨於是絞殺
棄屍而去三日之後主神還身中自名阿羅
波即起入宮哈殺新王并後宮婢女左右姦
臣欲盡殺之國中三老草索自縛來向羅刹
自首此是姦臣所爲非是細民所可能知乞
垂原恕願還治國曰我是羅刹與人從事食
飲當得人肉羅刹急性忿不思難三老曰國
是王許故當如前食飲所須當相差次國老
共出宣令人民從此爲次家出一小兒生用

作食食羅刹王三四千家正有一戶爲佛弟
子居門精進持佛五戒賢者大小懊惱啼哭
遙向崛山爲佛作禮悔過自責佛以道眼見
其辛苦便自說言因是小兒當度無數人便
獨飛往至羅刹門現變光相照其宮內羅刹
見光疑是異人即出見佛便起毒心欲前哈
佛光刺其目擔山吐火皆化爲塵至久疲頓
然後降化請佛入坐頭面作禮佛爲說經一
心聽法即受五戒爲優婆塞二臣更催食奪兒
將還室家號哭隨道而來觀者無數爲之悲
哀吏抱兒擎食著羅刹前羅刹以手擎兒長
三跪白佛國人相次以小兒食我今受佛五戒
不復得食今請以小兒持布施佛爲佛給使
佛爲受之說法況願羅刹歡喜得須陀洹道
佛以小兒著鉢中擎出宮門還其父母而告

之曰快養小兒勿復愁憂衆人見佛莫不驚
愕怪是何神此兒何福而獨救之羅刹所食
奪還父母佛即說偈言

戒德可恃怙 福報常隨已 見法爲人長
終遠三惡道 戒慎除苦畏 福報三界尊
鬼龍邪毒害 不犯有戒人

見佛光像皆爲佛弟子聞偈歡喜皆得道跡

感佛聞法得須陀洹道第二

舍衛國有二商人一人念曰佛身丈六華色
紫金頂有肉髻項背日光巍巍難言佛猶帝
王沙門猶忠臣佛陳明法沙門誦宣斯王明
矣知佛可尊佛知其意而熟視之其人心意
喜如獲寶其一念曰佛者如牛弟子猶車彼
牛牽車東西南北佛亦猶然佛知其有惡念

出法句譬經第五卷

必獲其殃愴然愍之其人心惡二人俱去至
三十里有亭住宿酷酒飲之共評屬事訟之
紛紜其善念者四天王遣善神護焉其毒念
者太山鬼神令酒入腹猶火燒身出亭露卧
宛轉落車轍中晨有商人車五百乘經轍之
焉伴見之曰吾今衰矣還國見疑取物而去
名爲不義遂輕身委財而逝展轉遠邁去舍
衛數萬里有一國國玉崩無太子識書云中
國有微人當王斯土羣僚議曰國之無君猶
體之無首難以久立也故王有馬常爲王作
禮若任王者馬必屈膝僉曰大善即具嚴駕
畢以王印綬著車上人馬墳路觀者莫不揮涕
時彼商人亦出觀看國太史曰彼有黃雲之
蓋斯王者之氣也神馬直進屈膝舐足羣臣
欣豫香湯潔浴拜爲國主僉然稱臣王曰余

本商人無德於民不任天位羣僚曰天授有德神馬屈膝於是遂處王宮聽省國政深自惟曰我無微善何緣獲此必是佛恩使之然也晨在御座歎佛無上之聖率土羣僚向舍衛國稽首言曰賤人蒙世尊潤獲爲人君斯

土傳世不知有佛流俗之書亦無記焉願以大明開斯國人之聾盲也明日願與應真聖衆垂意顧斯一時三月佛告阿難勑諸比丘明日彼王請皆當隨變化現神尊德令其國民咸共覩焉諸天聞佛之彼教化相率導從作樂歌德寶帳幢旛華下紛紛光色耀目佛及應真皆坐正殿王自斟酌畢以小床於佛前坐佛廣說法王曰吾本微人業無快德何緣獲斯佛告王曰昔彼國王飯佛王心念言佛如國王沙門如臣王種斯哉今獲其果彼

人云佛若牛弟子若車彼人自種車轍之裁今在太山爲火車所轍自獲其果也非王勇猛所能致矣爲善福隨履惡禍追響之應聲善惡如音非天龍鬼神所授非先禰所爲也造之者心成者身口矣佛頌偈曰

心爲法本 心尊心使 中心念惡 即言即行罪苦自追 車轍于轍 心爲法本 心尊心使中心念善 即言即行 福樂自追 如影隨形世尊又告王曰衆惡之罪最重有五不孝不忠殺親殺君家滅國亂重罪一也羅漢之行得空不願無想之定與佛齊意拯濟衆生而愚害之重罪二也佛者衆罪已畢景福會成相好十方法導衆生慈悲喜護心過慈母而愚惡謗重罪三也清潔沙門志靖行高懷抱經法助佛化愚諸佛相紹衆生得度皆由衆

僧僧行讒交構以致不調以不調故正法毀正

法毀則民狂走民狂走者三惡道興惱比丘

僧重罪四也佛之尊廟寶物水土衆生赤心
以貢三尊愚人或毀盜重罪五也犯斯五者
罪無有請謂之自殺身自滅族自投太山火

矣五罪之重於須彌慎無犯焉佛說經竟王

及羣臣皆得須陀洹受五戒爲清信士國民
有作沙門者守戒爲清信士者遂以五戒十
善而爲國政諸天祐護國遂興矣

出自愛經

波斯匿王後園生自然甘蔗粳米第三

波斯匿王宿植德本福響自應於後園中自
然生甘蔗之樹流出甘漿晝夜不絕又生一
株粳米垂穗數百取之無盡王受其福食之
無厭身體肥重喘息苦極不能轉側往到佛
所低身揖讓在一面坐佛便說偈

若人能專意 於食知止足 趣欲支形命
養壽守道德

王歡喜踊躍即從座起辭佛還宮勑擎食人
在吾前者先說斯偈以爲常法王轉減食身
減體輕行來無患

出出曜第十七卷

波斯匿王請佛解夢第四

波斯匿王夜卧有十種夢一小樹生華二見
小樹生果三見犧牛從犧求乳四見人切索
羊隨後食五見十金重上金涌灌入最下金
六見馬一身兩頭食麥七見血流成渠八見
澄水四邊清中央濁九見犬金器中小便十
見四方有四牛來相抵擫各散還去王見恐
怖衣毛皆豎即從卧覺便作是念我應命終
失此王位耶即往問佛佛曰大王勿懷恐怖
不由此夢乃失王位夢小樹生華者當來衆

生非法欲行常懷貪嫉與邪法相應若是時人民不孝父母不承事沙門婆羅門便得供養猶如今孝從父母供養沙門者也小樹生果者當來衆生非法欲行常懷貪嫉與邪法相應是時人民嫁未久而抱子歸不知慙愧

羅八七

也榨牛隨獲求乳者當來衆生非法欲行常懷貪嫉與邪法相應母守門女傍通以自存活也人切索羊隨後食者當來衆生非法欲行常懷貪嫉與邪法相應以己財寶與外人通也要十金列上頭金溢涌灌最下金中者當來衆生非法欲行常懷貪嫉與邪法相應兒語父母言速出此家詣山野澤我欲住此村落也馬一身兩頭食麥者當來衆生非法欲行常懷貪嫉與邪法相應彼依國王劫奪婆羅門長者或依婆羅門長者劫奪王藏也

夢血流成渠者當來有國王不樂已境界便集四種兵侵奪他界亦不可制不隨法教是時人民死者衆多也夢澄水四邊清中央濁者當來衆生好喜鬪亂邊國人民無有諍訟應中國衆生非法欲行常懷貪嫉與邪法相應也夢犬在金器中小便者當來衆生非法欲行常懷貪嫉與邪法相應我三阿僧祇劫勤苦所集法寶者皆當誹謗刀杖瓦石打我聲聞此沙門種所說非法好造歌頌也夢四面有四牛來共相抵擫各散還去者當來衆生非法欲行常懷貪嫉與邪法相應是時四面有大雲起雷電霹靂不雨散去也是謂十夢應如是大王十夢者有是十應以是因緣王勿懷恐怖亦不命終不失王位皆是當來末世法應如是大王當作是學王大歡喜

出增一阿僧祇

波斯匿王求贖女命第五

波斯匿王女婆陀命過極愛念之未曾離目
殯葬已畢親觀如來頭面禮足在一面坐佛

言今王何故衣裳塵垢愁憂如是王言有一

第八

女適命終甚愛念始殯葬竟欲以象贖女命

八

乃至車馬伏藏愁憂苦惱皆由恩愛生所以

然者古者大王於此舍衛城有人女命終愛
念此女未曾遠目便自迷惑不有所識處處

遊行問人民言誰見我女大王當以此方便

知愁憂苦惱皆由恩愛生大王勿懷愁憂一

切恩愛皆當分離所生之物必當壞敗如是

廣爲說法王受教而去

出波斯匿王女命過詣佛經

波斯匿王遊獵遇得末利夫人第六

時舍衛城中有一大姓婆羅門名耶若達多

饒財寶一婢名黃頭常守末羅園時彼婢常

愁憂言我何時當免出於婢時彼婢晨朝已

食分乾飯持詣園中爾時世尊入城乞食時

黃頭婢遙見如來心自念言我今寧可持此

飯施彼沙門或可脫此婢使即授飯施佛世

尊慈愍受還精舍時黃頭婢即前進入末羅

園中波斯匿王嚴四種兵出外遊獵從人分

張馳逐羣鹿天時大熱遙見末羅園即迴車

往步入園中黃頭遙見波斯匿來行步舉動

非是常人即前奉迎言善來大人可就此坐

羅即脫一衣敷令王坐黃頭問言不審須水洗

九脚不王言可爾即取水與王爲王揩腳復問

王言欲洗面不即更以水與王洗面復問王

言欲飲不即詣池更洗手取好藕葉盛水與

王復問王言不審欲卧息不即復更脫一衣

與王敷之見王卧已在前長跪案脚及餘肢節解王疲勞黃頭身如天身細軟妙好王著細滑心念言未曾有如此女聰明我所不教而悉爲之王即問言汝是誰家女報言我是耶若達家婢使差我守此園如是語頃王諸大臣尋王車迹來詣園中跪拜王足在一面立王勅一人汝喚耶若達婆羅門來婆羅門來詣王所王問言此女是汝婢耶答言是王言吾今欲取爲婦汝意云何報言此是婢使云何爲婦王言無苦但論價直婆羅門言欲論價直百千兩金我豈取王價今持奉王王言不爾我取爲婦云何不與價即出百千兩金與婆羅門即迎載入宮衆臣衛從末羅園中將來故即別之末利夫人王甚愛敬復於異時正於五百女人中立爲第一夫人在高

殿上便自念言我以何業報因緣得免於婢今受如是快樂復作是念將是我先以和蜜乾飯分施與沙門以此因緣今得免婢受如是快樂耳

出四分律初分十三卷

好信王發願灌佛第七

古昔有佛號曰始無時有國王名曰好信好樂佛法視佛無厭種尼俱類樹樹下爲佛教栴檀牀座佛坐其上好信王聽經佛泥洹後王不見佛便名尼俱類樹則爲佛樹見之如意佛日日往樹下坐常所坐處想聞教誡王有青衣名曰拘錄常侍王邊夫人嫉妬顧婆羅門令呪殺佛樹於是婆羅門四月七日夜取南山中大毒蛇腦塗樹樹即枯死王即便悲涕不能自勝四月八日夜半明星出時取五色香水集華用灌此樹即還更生王便願

言當令十方諸佛生時用今日得道時用今日般泥洹亦用今日從此以來諸佛興世皆是此日故用四月八日灌佛也

出宿願果報經

耆域藥王請佛僧第八

耆域藥王請佛及僧唯除磐特磐特四月誦掃箒名終不能得如來及僧往坐耆域舍行清淨水如來不受耆域白佛不審如來以何因緣而不受水佛告耆域今此衆中無有磐特比丘是故不受耆域白佛此磐特愚鈍放牛羊人皆勝於此佛告耆域汝不請磐特者吾不受清淨水時耆域承佛教誠即遣人往喚磐特佛告阿難汝授鉢與磐特令莫起于坐遙授與我耆域見此神力便自悔責咄哉大誤毀辱賢聖今日乃知大犯口過即生敬心向磐特比丘逾於五百僧世尊廣說過去

世時耆域爲馬將販賣轉易嘗驅千疋馬往詣他國中路有一馬產駒以駒乞人進至他國與國主相見王語馬將君此千疋皆是凡馬一馬悲鳴其聲有異必生駁駒其駒長大者價當千馬若得此駒諸馬盡買不爾不須

馬將追乞駒處其駒未經旬日便作人語語其主曰若使馬將來求我者得五百疋馬可與馬將求以一疋好馬贖之其人答曰吾本不強從君索勤苦養活君今欲須以五百疋馬贖當相還也遂從之先薄賤馬駒今留磐特後皆貴重磐特因緣久矣非適今日

出請經

比丘

瓶沙王有四種畏第九

昔瓶沙王先祖治罪人法若作賊者以手拍頭賊大慚愧與死無異後更不作至父王時

治若作賊者驅令出城以爲嚴教賊悉慚愧與死無殊後更不作瓶沙嗣立若作賊者驅令出國時有一賊七反驅出猶故復還劫殺村城最後縛送王言將去截其小指時有司急截恐王有悔王自試齒指痛殊難忍即追莫截臣答王言已截王甚愁悔即自念言我爲法王之末而爲非法之始夫爲王者憂念民下而截人指即自命駕詣佛白言我曾祖先王迄至父王皆以法治民及到我身爲惡日滋正化漸薄謬得爲王傷截人體自惟無道愧懼實深佛告大王治國之法盜至幾錢罪應至死至幾出國齊幾用刑王曰世尊以十九古錢爲一羈利沙槃分一羈利沙槃爲四分若盜一分罪應至死佛爲說法王禮佛而退時諸比丘言云何瓶沙王畏罪乃爾佛

言其不但今世畏罪過去有國名曰迦尸王號名稱時國人民工巧技術無不悉備以自生活若無工技者謂之愚癡若作賊者亦名愚癡時有一人作賊縛送王所王言止止彼人失財此人作賊我復何用共作惡爲思惟昔來始一癡人是愚癡人不能滿千我應命終即持愚人付於大臣云我須千愚癡人用作大會收覓數滿白我令知臣執持愚人繫在一處王尋念言是愚癡者將無自苦便告大臣好看此人莫令羸瘦著我無憂園中五欲娛樂妓樂供給大臣奉教欲取王意加情看視如是不久其數滿千臣啓滿千更須何等當速辦之王聞此言甚大愁憂昔來久遠始有其一人如何今者條已千數將是末世惡法增長王勑羣臣灑掃園內燒香懸繒備

辦種種餚饍飲食王與羣臣十八部衆詣無
憂園勑現愚人見其衣被垢膩爪長髮亂即
勑沐浴剪髮截甲給以新衣然後將來各與
種種飲食財寶恣其所須語令還家供養父
母勤修產業莫復作賊愚人聞勑歡喜奉行

時王以位授其太子出家入山學仙人法時
國王者瓶沙是也常畏罪報佛言瓶沙王不
但今世教令斬指追即還悔過去世時有婆
羅門無有錢財以乞自活是婆羅門妻不生
兒子家本有那俱羅蟲便生一子婆羅門念
如兒想那俱羅子於婆羅門亦如父想少時
婦生一子行乞食時便勑婦言汝若出行當
將兒去婦與兒食往比舍寄春兒有酥酪香
氣毒蛇張口吐毒欲殺小兒那俱羅蟲便作
是念我父母不在云何毒蛇欲殺我弟即殺

華八

十三

毒蛇斷爲七分以血塗口當門而立欲令父
母見之歡喜時婆羅門始從外來遙見其婦
在於舍外便瞋恚言我教行時當將兒去何
以獨行父當入門見那俱羅口脣有血即作
是念我夫婦不在那俱羅於後將無殺敢我
兒以杖打殺那俱羅入門見其兒坐於庭中
唆指而戲又見毒蛇七分甚大憂悔是那俱
羅救我子命我不善觀卒便殺之可痛可憐
即便迷悶躋地時空中有天即說偈言

宜審諦觀察 勿行卒威怒 善友恩愛離
枉害信傷苦

時婆羅門者今瓶沙王也

出僧祇律 第三卷

瓶沙王樂食而死生四天王天第十
天王天瓶沙應生兜率即念先生此天後生

兜率命終爲毗沙門王太子名曰最勝子如
目連施設所說始人者以胷臆行名爲摩睺
勒生三手衆生名爲象問曰命故說人或是
摩睺勒或是象答曰謂彼衆生從光音天終
來生於此當時生畜生中但形如人飲食惡
意惡巧詐滋多故人相轉滅遂成畜生形如

羅入
第十四卷
出鞞婆沙

瓶沙王與弗迦沙王親厚各獻珍異第十一
時王舍國王名曰瓶沙少作太子常求五願
一者願我年少爲王二者令我國中有佛三
者使我常往來四者常聽說經五者聞疾開
解得須陀洹王皆得之時王捨國北遊異國
國名德差伊羅王名弗迦沙甚自高絕宿曾
見佛受佛經道學身中六分經謂地水火風
空心而瓶沙王與弗迦沙王生未相見遙相

愛敬有如兄弟常通書記更相問遺弗迦沙
王國中生一蓮華而有千葉皆作金色遣遺
瓶沙王瓶沙王見華大歡喜言弗迦沙王遺
我物甚奇有異瓶沙王作書與弗迦沙王言
我國中有金銀珍寶甚多我不用爲寶今我
國中生一人華字佛紫磨金色身有三十二
相弗迦沙王聞佛聲歡喜踊躍作書與瓶沙
王佛教誠所行願具告意弗迦沙王却後數
日自念言人命不可知在呼吸間我不能復
待瓶沙報書勑諸小國王及羣臣嚴駕發行
羅入
十五
欲詣佛所道逢瓶沙王書上言佛教人棄
家捐妻子斷愛欲當除鬚髮著法衣作沙門
又疏十二因緣送與弗迦沙王弗迦沙王讀
書竟自思念夜入定後羣臣百官衆皆卧出
寂然無聲竊起亡去入丘墓間便自剃頭被

法衣作沙門佛以天眼見弗迦沙到王舍城

止於窯家佛念弗迦沙王命盡明日即飛到
窯家願寄一宿窯家報言可得相容佛於一
處端坐便自念言是弗迦沙安諦寂寞起到
弗迦沙前問言卿師受誰道作沙門耶報言

我聞有佛今師事之佛念是賢者爲用我故
作沙門當爲說宿命時所知經爾乃解耳佛
言我爲卿說經事善聽之弗迦沙言善佛爲
說法得第三阿那含道能知是佛耳即起爲
佛作禮明日入城未遠有少齒牛觸抵弗迦
沙諸比丘白佛言佛昨於窯家爲說經沙門
爲奔牛所抵殺當趣何道佛言我爲說經即
得阿那含生十六天上得阿羅漢令諸比丘

共取弗迦沙身好收葬之於其上起塔

出沙王瓶

五願經又出弗迦沙王因緣經

赤馬天子問佛無生死處第十二

時有赤馬天子容色絕妙於後夜時來詣佛
所白佛言世尊頗有能行過世界邊至不生
不老不死處不佛告赤馬無有能至者赤馬
天子又白佛言奇哉世尊善說斯義如世尊
說所以者何自憶宿命名曰赤馬作外道仙
人得神通離諸愛欲我時作念我有如是捷
疾神足如健士夫以利箭橫射過多羅樹影
頃能登須彌至一須彌足躡東海超至西海
我念神力捷疾今求世界邊便發足去唯除
食息便利減節睡眠常行百歲於路命終竟
不得至即沒不現

雜阿舍第二十九卷

多智王佯狂免禍第十三

外國有惡雨若墮江湖河井陂池人食之者
狂醉七日有國王多智善相惡雨見雲以知

音釋

佯

余章切

絞

古巧切

哈

呼切

愕

逆各切

憮

貌錯切

噉

轢詐也

穢

狼狽切

穢

成秀也

睂

睂驚遂切

駁

比切

角

抵

車蹊也

摸

典禮切

摸

摸陀止酒也

篋

篋也

篋

篋充也

篋

使蓋一井令雨不入時百官羣臣食惡雨水舉朝皆狂脫衣赤裸泥土塗頭坐王殿上唯王一人獨不狂耳一切羣臣不自知狂反謂王狂何故著衣獨異衆人皆相謂言此非小事思共置之王恐諸臣欲反便自怖懼語諸臣言我有良藥能自愈病諸人小停待我服藥王便入內脫衣同其而出一切羣臣見皆大喜七日之後羣臣醒悟大自慚愧各著衣冠而來朝會王故如前赤裸而坐諸臣皆驚怪而問言王常多智何故若是王答臣言我心常定無變易也以汝狂故反謂我狂非實心也

出雜譬喻
經第四卷